



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган • WWW.XS.UZ • E-mail: info@xs.uz • 2017 йил 23 декабрь, № 258 (6952)

Шанба

Сайтимиэга ўтиш учун QR-кодни телефонингиз орқали сканер қилинг.



2018 йил — фаол тадбиркорлик, инновацион ғоялар ва технологияларни қўллаб-қувватлаш йили



ЗАМОНАВИЙ ДАВЛАТЧИЛИГИМИЗ ТАРИХИДА УЛКАН ЎЗГАРИШ ЯСАГАН ВОҚЕА

Ўзбекистон Республикаси
Президенти Шавкат Мирзиёев
2017 йил 22 декабрь куни
мамлакатимиз тарихида
биринчи марта Олий Мажлисга
Мурожаатнома тақдим этди.

Тошкент шаҳридаги Симпозиумлар саройида бўлиб ўтган анжуманда Олий Мажлис Сенати аъзолари ва Қонунчилик палатаси депутатлари, Вазирлар Маҳкамаси, вазирлик ва идоралар раҳбарлари, дипломатик корпус ва халқаро ташкилотлар ваколатхоналари вакиллари, нодавлат ташкилотлар фаоллари иштирок этди. Йўналиши видеоконференция алоқа тизими орқали туман, шаҳар ва вилоятлардаги маҳаллий Кенгашлар депутатлари, барча бугундаги ижро ҳокимияти ва ҳўжалик бошқаруви органлари раҳбарлари, мамлакатимизнинг чет эллардаги элчилари кузатиб борди.

Мурожаатномада 2017 йилда амалга оширилган асосий ишлар якуни ва Ўзбекистон Республикасини 2018 йилда ижтимоий-иқтисодий ривожлантиришнинг устувор йўналишлари ўз ифодасини топди.

(Давоми 5-бетда).

ЎЗБЕКИСТОН RESPUBLIKASI PREZIDENTINING MDX SAMMITIDA ISHTIROKIGA DOIR

Ўзбекистон Республикаси Президенти Шавкат Мирзиёев 2017 йил 26 декабрь куни Москва шаҳрида бўлиб ўтадиган Мустақил Давлатлар Ҳамдўстлиги Давлат раҳбарлари кенгашининг норасмий мажлисида иштирок этади.

Ў.А.

MDX: АМАЛИЙ ҲАМКОРЛИК ҚИЛИШНИНГ ҒОЯТ МУҲИМ ИНСТИТУТИ

Ўзбекистон Республикаси Президенти Шавкат Мирзиёев жорий йил 26 декабрь куни Москвада бўлиб ўтадиган Мустақил Давлатлар Ҳамдўстлигининг норасмий саммитида иштирок этади.

БИЗ ВА ЖАҲОН

MDXга аъзо мамлакатлар раҳбарларининг Янги йил арафасидаги навбатдаги учрашуви ортада қолаётган йил якунларини сарҳисоб қилиш ҳамда тузилма доирасидаги ўзаро манфаатли ҳамкорликни янада ривожлантириш учун мақсад ва вазифаларни белгилаб олиш имконини бериши баробарида, минтақавий кун тартибидagi долзарб масалаларни муҳокама этишга қулай имконият яратди.

Маълумки, 2017 йил мустақил Ўзбекистон тарихида янги давр бўлди. Ўтаётган йил мобайнида нафақат мамлакат ичкарисида, балки унинг ташқи сиёсий фаолиятида ҳам туб ўзгаришлар рўй берди. Шу нуктага назардан, давлатимиз раҳбари Шавкат Мирзиёев таъкидлаганидек, MDX биз учун устувор соҳаларда амалий ҳамкорлик қилишнинг ғоят муҳим институтидир. Ҳамдўстликка аъзо мамлакатлар эса бизнинг доимий шерикларимиз, қўшнилариимиз ва дўстларимиздир.

Жорий йил октябрь ойида Россия Федерациясининг Сочи шаҳрида бўлиб ўтган Мустақил Давлатлар Ҳамдўстлиги Давлат раҳбарлари кенгаши мажлисида баён этилган бу фикрлар Ўзбекистоннинг MDX фаолиятига сифат жиҳатидан янги ўсувчанлик бағишлашга бўлган интилишини тасдиқлайди.

Маълумки, бу йўналишда аллақачон аниқ-равшан чора-тадбирлар кўрилган. Ўзбекистоннинг MDX доирасидаги ҳамкорлигини фаоллаштириш бўйича Амалий ҳаракатлар режаси ("Йўл харитаси") ишлаб чиқилди, Ўзбекистон Республикаси миллий координатори мақоми ташқи ишлар вазирлиги ўринбосари Давлат Раҳимов ва Бош вазир ўринбосари Даржаевнинг қўли билан, Жорий йилда мамлакатимиз MDX Иқтисодий кенгашидаги иштирокини қайта тиклади.

Бундан ташқари, Сочида Ўзбекистон Президенти Шавкат Мирзиёев мамлакатимиз 2020 йилда Ҳамдўстликка раисликни қабул қилиш ва навбатдаги Саммитни Ўзбекистонда ўтказишга тайёр эканлигини ҳам билдирди.

Истикбол ҳақида фикр юритилар экан, шу пайтга қадар амалга оширилган ишларни ҳам эсга олиш ўринли бўлади. MDX Ҳукумат раҳбарлари кенгашининг йўналиши, биринчи мартабада Ўзбекистонда 2017 йил ноябрь ойида ўтказилгани алоҳида эътиборга сазовордир. Кун тартиби тузилмага аъзо давлатлар ўртасида савдо-иқтисодий муносабатларни ривожлантиришга доир 19 та масаладан иборат бўлган. Унинг якунлари бўйича Ҳукумат раҳбарлари кенгашининг йўналиши доирасида эришилган келишувларнинг тўла бажарилишини таъминлаш юзасидан Амалий чоралар режаси ишлаб чиқилди.

Жорий йил август ойида Самарқандда ЮНЕСКО шафелигида ўтказилган "Жаҳон тамаддуни тарихида Марказий Осиё Ренессанси" мавзудаги халқаро илмий конференцияда ҳамда ноябрь ойида БМТ шафелигида бўлиб ўтган Марказий Осиёда хавфсизлик ва барқарор ривожланишни таъминлаш бўйича "Марказий Осиё: ягона тарих ва умумий келажақ, барқарор ривожланиш ва тараққиёт йўлидаги ҳамкорлик" мавзудаги халқаро конференцияда MDX Ижроия қўмитаси раиси — ижрочи котиби Сергей Лебедевнинг қатнашгани ҳам муҳим воқеа бўлди.

(Давоми 5-бетда).

(Давоми 5-бетда).

ЎЗБЕКИСТОН RESPUBLIKASI PREZIDENTI SHAVKAT MIRZIYOEVNING OLIY MAJLISGA MUHOJAJATNOMASI

Муҳтарам депутат ва сенаторлар!
Азиз ватандошлар!
Хурматли меҳмонлар!
Бугун биз барчамиз жонажон Ватанимизнинг сиёсий ҳаётидаги муҳим воқеада иштирок этмакдиз.

Ўзбекистон Республикаси Президенти томонидан биринчи марта мамлакатимиз парламенти — Олий Мажлисга Мурожаатнома тақдим этилмоқда.

Сизларга яхши маълумки, дунёдаги кўпчилик тараққий топган мамлакатларда давлат раҳбарининг миллий парламент аъзолари хузурида энг асосий ва долзарб сиёсий, ижтимоий-иқтисодий масалалар ва жамиятни демократик ривожлантириш бўйича Мурожаатнома билан чиқиш тажрибаси мавжуд.

Давлат бошқарувининг бундай демократик усули бугун Ўзбекистонда олиб борилаётган кенг қўламли ислохотлар, авваламбор, халқ билан мулоқот принципига ғоят уйғун ва ҳамоҳанг бўлиб, бизнинг иш фаолиятимиз самардорлигини янада оширишга хизмат қилади, деб ўйлайман.

Бугунги нуфузли анжуманда Олий Мажлис Сенати ва Қонунчилик палатаси аъзолари билан бирга, видеоконференция алоқа тизими орқали туман, шаҳар ва вилоятлардаги маҳаллий Кенгашларга сайланган халқ ноиблари ҳамда барча бугундаги ижро ҳокимияти ва ҳўжалик бошқаруви органлари раҳбарлари, нодавлат ташкилотлар ва жамоатчилик вакиллари иштирок этмоқда.

Тараққиётимизнинг янги босқичи бўлган 2017 йилда амалга оширилган асосий ишлар якуни ва Ўзбекистон Республикасини 2018 йилда ижтимоий-иқтисодий ривожлантиришнинг энг устувор йўналишларига бағишланган Мурожаатномани эътиборингизга ҳавола этишга рухсат бергайсиз.

Аввало, йил давомида мамлакатимизни янада тараққий эттириш бўйича Ҳаракатлар стратегиясида кўзда тутилган мақсад ва вазифаларни бажариш учун давлатимиз ва жамиятимизнинг бор куч ва имкониятлари сафарбар этилганини таъкидлаш жоиз.

Бу борада "Халқ билан мулоқот ва инсон манфаатлари йили" Давлат дастурида белгиланган чора-тадбирларни амалга ошириш муҳим қадам бўлди, десак, айни ҳақиқат бўлади.

Мамлакатимизда олиб борилаётган кенг қўламли ислохотлар халқимиз томонидан қўллаб-қувватланмоқда. Бу ўзгаришларнинг дастлабки натижалари аҳолимиз ҳаёти ва кундалик турмушида ўзининг яққол ифодасини топмоқда, эл-юртимизнинг ижтимоий фаоллиги, эртанги кунга ишончи ўсиб бормоқда.

Биз мамлакат ҳаётига доир ҳар бир қарорни халқимиз билан маслаҳатлашиб, бевосита мулоқот асосида қабул қилмакдиз. "Халқ давлат идораларига эмас, балки давлат идоралари халқимизга хизмат қилиши керак" деган ғоя бу борада фаолиятимиз мезонига айланмоқда.

Давлат ходимлари, аввало, биринчи раҳбарлар фақат кабинетда ўтирмасдан, жойларга бориб, аҳолини безовта қилаётган энг долзарб муаммоларнинг амалий ечими билан шуғулланмоқда.

Шу маънода, 2017 йил халқ билан яқиндан мулоқот қилиш, унинг дарду ташвишлари, ҳаётий муаммоларини самарали ҳал этиш бўйича янги тизим яратилган йил бўлди, деб айтишга тўла ҳақлимиз.

Бу тизимнинг асоси бўлган Ўзбекистон Республикаси Президентининг Халқ қабулхоналари ва виртуал қабулхонаси фуқароларнинг мурожаатлари билан ишлашнинг ўзига хос демократик институти сифатида амалда ўзини оқламоқда.

Қисқа муддатда ана шу қабулхоналарга бир ярим миллиондан зиёд фуқаро мурожаат қилгани ва қанча-қанча одамнинг йиллар давомида ҳал этилмаган муаммолари ижобий ечилгани Ўзбекистонда халқ ҳокимияти номига эмас, амалда жорий этилаётганини кўрсатмоқда. Жойларда раҳбарларнинг йўл қўйилган хато ва камчиликларини тезлик билан бартаратиш юзасидан шахсий жавобгарлик кўчайгани мажzur тизимнинг муҳим натижаси бўлди.

Айнан халқимиз манфаатларини ҳисобга олиб, ижтимоий адолатни таъминлаш бўйича энг муҳим институт бўлган суд-ҳуқуқ соҳасида, прокуратура ва ички ишлар органлари тизимида ҳам катта ўзгаришлар амалга оширилмоқда. Бу ҳақда Ўзбекистон Республикаси Конституциясининг 25 йиллиги бағишланган тантанали маросимда атрофлича сўз юритилгани учун, ўйлайманки, бугун бу мавзуда ортиқча тўхталиб ўтиришга зарурат йўқ.

Жорий йилда Ўзбекистон ёшлар иттифоқини ташкил этиш, Хотин-қизлар қўмитаси, "Маҳалла" ва "Нуроний" жамғармалари ишини янада фаоллаштириш бўйича аниқ чора-тадбирлар амалга оширилди.

Юртимизда яшаб келаётган, лекин фуқаролиги бўлмаган 1100 дан ортиқ шахсга Ўзбекистон фуқаролиги берилди. Ўйлайманки, бу инсон ҳуқуқ ва эркинликларини амалда таъминлашга қаратилган ишларимизнинг яна бир тасдиғидир.

2017 йилда иқтисодий соҳасида замон талабларига жавоб берадиган, янгича маъно-мазмундаги ва самарали ислохотларни амалга ошириш йўлида биринчи қадамларни қўйдик.

Иқтисодий таъминоти мутлақо янги асосда ташкил этиш ва янада эркинлаштириш, унинг ҳуқуқий асосларини такомиллаштириш, ишлаб чиқаришни модернизация ва диверсификация қилиш бўйича қатор қонунлар, фармон ва қарорлар, пухта ўйланган дастурлар қабул қилинди ва улар изчил амалга оширилмоқда.

Мамлакатимизда қисқа муддатда 161 та йирик sanoat объекти ишга туширилди. Бу биз учун келгуси йилда қўшимча 1,5 триллион сўмлик маҳсулот ишлаб чиқариш имконини беради. Масалан, Тошкент иссиқлик электр станциясида буғ-газ қурилмаси барпо этилди. Бу эса қўшимча равишда 2,5 миллиард килловат электр энергияси ишлаб чиқариш имконини беради. Шунингдек, Навоий иссиқлик электр станциясида иккинчи буғ-газ қурилмаси, Қизилқум бағридаги Аминзо-Амантой олтин конлари неғизда гидроме-

таллургия заводи қуриш бўйича ишлар давом этмоқда.

Ҳозирги вақтда Олмалик конметаллургия комбинати томонидан "Ёшлик — 1", "Ёшлик — 2" конларини ўзлаштиришга киришилди. Сардоба, Марказий Фарғона ва Тўпаланг сув омборларини қуриш бўйича ишлар жадал олиб борилаётган. Бу йирик ишлотлар ҳам, ҳеч шубҳасиз, мамлакатимиз иқтисодий ҳаётида муҳим воқеа бўлади.

Фарғона — Марғилон йўналишидаги темир йўл тармоғи айни пайтда электрлаштирилмоқда.

Яна бир йирик объект — Қандим газни қайта ишлаш комплекси ишга туширилиши ҳисобидан 2018 йилда қўшимча равишда 4 миллиард 100 миллион куб метр табиий газни қайта ишлаш, 67 минг тоннадан зиёд конденсат, 106 минг тоннадан ортиқ олтингурут ишлаб чиқариш имкони яратилди.

Ўзбекистон иқтисодиётининг локомотивларидан бири бўлган Муборак газни қайта ишлаш заводида келгуси йили қўшимча равишда 6 миллиард куб метр табиий газни олтингурутдан тозалайдиган блоklar тўлиқ фаолият бошлайди. Шулар қаторида "Ўзагротех-саноатхолдинг" акциядорлик жамиятида янги йилда 5 мингдан кўпроқ замонавий тракторлар, мингдан зиёд пахта териш машинаси ва 2 мингдан ортиқ прицеплар ишлаб чиқариш йўлга қўйлади.

Бундай мисолларни яна узоқ давом эттириш мумкин.

Энг муҳими, мамлакатимиз иқтисодий сиёсатида норез рақамлар ортидан қувиш, амалга ошмайдиган хомхайлларни ҳақиқат сифатида тақдим этишдек номаъқул иш услуби танқидий қайта қўриб чиқилди. Амалий натижадорлик, инсон манфаати ва яна бир бор инсон манфаати ислохотларнинг бош мақсади этиб белгиланди.

Айни шу асосда амалга оширилган чора-тадбирлар натижасида 2017 йилда барқарор иқтисодий ўсиш суръатлари 5,5 фоизни ташкил этди, экспорт ҳажми қарий 15 фоиз кўпайди. Ташқи

ҚАРШИДАН КИТОБГАЧА

темир йўл орқали 50 дақиқада бориш мумкин

Маълумотларга қараганда, бугунги кунда жаҳон бўйлаб саёҳат қилувчилар сони 1 миллиард нафардан ошиб, соҳанинг глобал ялли ички маҳсулотдаги улуши 10 фоизни ташкил этмоқда. Туристларнинг асосий қисми сўлим ва баҳаво табиатга интилади. Сайёҳлар оқими эса ҳар йили ўртача 5 фоиз кўпаймоқда.

БУНЁДКОРЛИК

Этибор берган бўлсангиз, Ўзбекистонда сайёҳлик тармоғи сўнги пайтларда жадал ривожланиб бораёпти. Бинобарин, 2016 йилнинг 2 декабрида давлатимиз раҳбарининг "Ўзбекистон Республикасининг туризм соҳасини жадал ривожлантиришни таъминлаш чора-тадбирлари тўғрисида"ги Фармони эълон қилинди, унда худудларнинг туризм салоҳиятидан янада тўлиқ ва самарали фойдаланиш, тармоқни бошқаришни тубдан такомиллаштириш борасида устувор вазифалар белгилаб берилди.

Дарҳақиқат, юртимиз табиати бетакрор. Тарихий шаҳарларимиз довуруғи эса дунёга кетган. Ўтмиш ҳамда бугун ўзаро уйғунлик касб этган бетакрор кентларимиздан сайёҳлар қадами узилмайди. Уларга сервис ва транспорт хизматлари кўрсатиш сифатини тубдан яхшилаш эса энг долзарб масалалар сирасига кирди.

Президентимиз Шавкат Мирзиёев шу йил 24-25 февраль кунлари Қашқадарё вилоятига ташрифи чоғида шаҳар ҳамда туманларни комплекс ривожлантириш, сайёҳлик соҳасидаги улкан салоҳиятдан унумли фойдаланиш бўйича муҳим топшириқ ва тавсиялар берган эди.

Хусусан, мутасаддиларга қадим Шаҳрисабз шаҳрига сайёҳлар оқимини кўпайтириш ҳамда йўловчиларга қўлайлик яратиш мақсадида Қарши — Китоб темир йўл участкасини электрлаштириш ва



мазкур йўналишда тезюрар поезд ҳаракатини ташкил қилиш лойиҳасини тайёрлаш вазифаси топширилди. Орадан кўп ўтмай, яъни 10 июлда давлатимиз раҳбарининг "Тезюрар йўловчи ташиш поездлари ҳаракатини ташкил этган ҳолда "Қарши — Китоб" темир йўл линиясини электрлаштириш" инвестиция лойиҳасини амалга

ошириш чора-тадбирлари тўғрисида"ги қарори қабул қилинди. Қарши — Китоб темир йўл линиясининг умумий узунлиги 124 километрдан иборат. Йўналишда 3 та вокзал, 8 та станция, 46 та кўприк ҳамда 107 бошқа сунъий иншоот мавжуд. Лойиҳа доирасида битта тортувчи нимстанция, битта контакт тармоғига хизмат кўрсатувчи навбатчилик пункти ва 94 километр масофада контакт тармоғи, ташқи электр таъминоти объектларини қуриш белгиланган. Шунингдек, йўналишдаги 8 кило-

метр темир йўл таъмирланиб, юқори тезликда ҳаракатланувчи поездлар қатнови учун мослаштирилди.

Бундан ташқари, унда "Китоб" ҳамда "Ғузор" станцияларини тубдан таъмирлаш, темир йўл атрофини панжаралар билан ўраш, сигналлаштириш ва телекоммуникация тизимларини модернизациялаш кўзда тутилган.



Ҳозирги кунда электрлаштириш ишларига 20 дан ортиқ махсус техникалар ва 150 нафарга яқин ишчи-ҳодимлар жалб этилган. Жараёнда Маҳаллийлаштириш дастури асосида ишлаб чиқарилаётган хом ашёдан фойдаланилмоқда.

— 2017 — 2018 йиллар мобайнида амалга оширилаётган лойиҳа Ташкент — Самарқанд — Қарши — Китоб йўналишида ягона туристик йўналишни яратиш ҳамда халқаро туризмни кенгайтиришда муҳим ўрин тутади, — дейди "Ўзбекистон темир йўллари" АЖнинг инвестицияларни жалб қилиш ва инвестиция лойиҳаларини амалга ошириш бошқармаси бошлиғи Сардор Қодиров. — Қолаверса, бу поездлар ҳаракати вақтинчи қисқартириш, ортқича харажатларни тежаш, қўшимча 200 га яқин янги иш ўринлари яратиш имконини беради, воҳадаги қадимий ёдгорликларни

кўришга ошиқётган сайёҳлар сонининг орттишига замин яратади.

Ушбу йўналишда поездлар соатига 160 километр тезликда ҳаракатланиб, йўловчилар Қарши шаҳридан Китобга 50 дақиқада

замонавий сервис хизматларидан фойдаланган ҳолда етказилади. Бу эса сайёҳлик соҳасини бугунги кун талаблари даражасида ташкил этиш, темир йўл транспортдан фойдаланишда аҳолига янада кенг-роқ қўлайликлар яратиш, йўловчи ҳамда юк ташиш сифатини ошириш, замонавий талаблар асосида хизмат кўрсатишни йўлга қўйиш, худудни ижтимоий-иқтисодий ривожлантириш ва аҳоли турмуш фаровонлигини юксалтиришга хизмат қилади.

Дилшод УЛУҒМУРDOV,
«Халқ сўзи» мухбири.

Ҳасан ПАЙДОЕВ олган суратлар.

Эзгуликка етақлайди

Ўрта Чирчиқ тумани ҳокимияти биносининг 290 ўринли мажлислар залида ўтириш учун бирортаям жой йўқ. Одатда, бундай пайтларда бу ерга танлов ғолиблари ёки соҳа пешқадамлари йиғилишган бўлади.

ТАДБИР

Йўқ, бу бошқача тадбир. Бу ерда муқаддам судланган, маъмурий назоратда турган, жиноят содир этишга мойил шахслар, ўз вақтида алимент тўламаганлар, қисқача айтганда, таржимаи ҳолида мақтовга лойиқ жиҳатлар бўлмаган кишилар йиғилишган.

Халқ таълими аълочиси, она тили ва адабиёти фани ўқитувчиси Назоқат Душаева етакчилигида саҳнага Ўрта Чирчиқ туманидаги 72-мактабнинг бир гуруҳ ўқувчилари кириб келишади. Уларнинг китоб ва китобхоналик ҳақида улуғ мутафаккир ва алломалардан мисоллар келтириб қилаётган навбатма-навбат чиқишлари, ҳаяжонли шеърларидаги кайфият залда ўтирганларнинг ҳам қалбига етиб бориб, теварак-атрофга сув қуйгандек сукунат чўмган.

Маълум бўлишича, Ташкент вилояти ҳокимлиги ва прокуратураси, Ўзбекистон ёшлар иттифоқи вилоят кенгаши, "Ўздавкитоб-савдотаминот" масъулияти чекланган жамияти томонидан ташкил этилган мазкур тадбир мавзуси китобхона-

лик эканлиги билан йиғилганларни хайратга солмоқда. Китоб инсоннинг феъл-атвори, қилган қилмишларига кўзга тўта олиши билан ҳам катта қудратга эга эканлигига ишонч ҳосил қилаётган иштирокчилардан айримларнинг миқжалари намланиб, ўз қисматлари ҳақида ўй суриб қолишган.

— Бугунги тадбирда кўп одамларнинг кўнглида эзгу ният, нузли фикр қолди, — дея эътироф этади Ташкент вилояти прокуратури ўринбосари Соҳибжон Турдалиев. — Биз бошқаларга ҳам мана шундай самарали усуллардан фойдаланишни тавсия этмоқчимиз.

3 миллион сўмлик турли мавзулардаги китоблар иштирокчиларга бепул тарқатилди. Шунингдек, маърифий кеча доирасида ярмарка ҳам уюштирилиб, 40 мингдан ортиқ турли асарлар ҳақиқий китоб ихлосмандларига тақдим этилди.

Бундай тадбирлар пойтахт вилоятининг барча шаҳар, туманларида бўлиб ўтди.

Раҳматилла ШЕРАЛИЕВ,
«Халқ сўзи» мухбири.

РЕКЛАМА ЎРНИДА

«Ўзсаноатқурилишбанк» АТБ
жамоаси

ватандошларимизни
кириб келаётган

Янги — 2018 йил
билан табриқлайди!

Янги йилда барчага
бахт-иқбол, хонадонларига
файзу барака, юртимизга
тинчлик-хотиржамлик
ва фаровонлик тилайди!

O'ZSANOATQURILISHBANK

ВАҚТ ДАВОМИДА СИНАЛГАН ИШОНЧ!
CALL-MARKAZ: (0-371) 200-43-43. www.uzpsb.uz Хизматлар лицензияланган.

Qishloq Qurilish Bank

юртдошларимизни яқинлашиб келаётган
Янги — 2018 йил билан самимий
кутлайди!

Сизларга мустаҳкам соғлиқ,
бахт-саодат, тинчлик ва хотиржамлик
тилаб, қуйидаги омонат
турларини таклиф этади:

Миллий валютада:
«Кафолат»
Маблағлар 3 ойдан 12 ойгача бўлган
муддатга қабул қилинади.
Ҳисобланган фоизлар
капитализация қилиб борилади
ва омонат муддати тугагандан
сўнг тўлаб берилади.

Хорижий валютада:
«Капитал»
Маблағлар 12 ой
муддатга қабул қилинади.
Ушбу омонатга ҳисобланган
фоизлар ҳар ой
яқунда омонатчининг талаби
асосида тўлаб берилади.

Сизнинг омонатларингиз Фуқароларнинг банклардаги
омонатларини кафолатлаш фонди томонидан кафолатланади!

Мурожаат учун телефонлар: (0-371) 150-72-58, 150-39-93.
«Қишлоқ қурилиш банк» — фаровон ҳаётингиз хизматида!

www.qqb.uz **Хизматлар лицензияланган.**

(«Халқ сўзи»нинг навбатдаги сони 24 декабрь, акшанба куни чиқади).

Халқ сўзи
Народное слово

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 1245. 73 542 нусхада босилди, ҳажми — 3 табоқ. Офсет усулида босилган. Қоғоз бичими А—2. Баҳоси келишилган нарҳда.

Газетанинг ҳақиқий маълумотларни етказиб олиш учун ОЯ-қоғозини телефонингиз орқали сизлар қилинг.

ТЕЛЕФОНЛАР:
Девонхона (0-371) 233-52-55;
Котибият (0-371) 233-10-28; Эълонлар (0-371) 232-11-15.

ТАХРИРГАТ КЕЛГАН ҚЎЛМАЗЛАР ТАҚДИР ҚИЛИНАДИ ВА МУАЛЛИҒГА ҚАЙТАРМАЙДИ. РЕКЛАМА МАТЕРИАЛЛАРИ УЧУН ТАХРИРАТ ЖАВОБГАР ЭМАС.
Газетанинг етакчи берилиши учун обунани расмийлаштиришга ташкилот жавобгар.
Газета таҳрират компьютер марказида термал ҳамда оператор Ж. Тоғев томонидан сақдаланади.
Газетанинг полиграфик жиҳатдан сифатли чоп этилишига "Шарқ" нашриёт-матбаа акциядорлик компанияси масъул.
Босмахона телефони: (0-371) 233-11-07.

• МАНЗИЛИМИЗ:
100000,
Тошкент шаҳри,
Матбуотчилар кўчаси, 32-уй.
Навбатчи муҳаррир — З. Худойшукуров.
Навбатчи — Д. Соҳибжон.
Мусахҳах — С. Исломов.

«Шарқ» нашриёт-матбаа акциядорлик компанияси босмахонаси. Корхона манзили:
«Буёқ Турон» кўчаси, 41. Ў.А. яқини — 02.10 Топширилди — 02.30 1 2 3 4